

VENDIM
Nr. 260, datë 5.5.2021

**PËR MIRATIMIN E PARAQITJES, FORMËS DHE NDËRTIMIT TË GRADAVE
TË PUNONJËSVE TË POLICISË SË BURGJEVE**

(Ndryshuar me vendimin nr. 549, datë 29.7.2022)

(i përditësuar)

Në mbështetje të nenit 100 të Kushtetutës dhe të nenit 43, të ligjit nr. 80/2020, “Për Policinë e Burgjeve”, me propozimin e ministrit të Drejtësisë, Këshilli i Ministrave

VENDOSI:

1. Miratimin e paraqitjes, formës dhe ndërtimit të gradave të punonjësve të Policisë së Burgjeve, sipas shtojcës nr. 1, që i bashkëlidhet këtij vendimi dhe është pjesë përbërëse e tij.

2. Paraqitja, forma dhe ndërtimi i gradave të punonjësve të Policisë së Burgjeve ndahet sipas kategorive të mëposhtme:

- a) gradat për punonjësin e rolit bazë;
- b) gradat për punonjësin e rolit të mesëm;
- c) gradat për punonjësin e rolit të lartë.

3. Vendimi nr. 264, datë 2.2.2011, i Këshillit të Ministrave, “Për miratimin e formës dhe paraqitjes së gradave të Policisë së Burgjeve”, shfuqizohet.

4. Ngarkohen Ministria e Drejtësisë dhe Drejtoria e Përgjithshme e Burgjeve për zbatimin e këtij vendimi.

Ky vendim hyn në fuqi pas botimit në Fletoren Zyrtare.

ZËVENDËSKRYEMINISTËR
Erion Braçe

Shtojca nr. 1

(Ndryshuar me vendimin nr. 549, datë 29.7.2022)

KREU I
GRADAT

1. Gradat për punonjësin e rolit bazë përbëhen nga grada “Nëninspektor”, “Inspektor” dhe “Kryeinspektor”, si vijon:

- a) grada “Nëninspektor”:



- i. është gradë fillestare e nivelit të rolit bazë;

ii. paraqitja e kësaj grade do të jetë e përbërë nga një fushë me ngjyrë blu të errët, me kontur ngjyrë të verdhë në të gjithë perimetrin e saj. Në gjerësinë e gradës është vendosur një shirit ngjyrë të verdhë (ngjyrë ari);

- b) grada “Inspektor”:



- i. është gradë e dytë e nivelit të rolit bazë;
- ii. paraqitja e kësaj grade do të jetë e përbërë nga një fushë me ngjyrë blu të errët, me kontur ngjyrë të verdhë në të gjithë perimetrin. Në gjerësinë e gradës janë vendosur dy shirita të verdhë (ngjyrë ari) me përmasa të ndryshme;
- c) grada “Kryeinspektor”:



- i. është gradë e tretë e nivelit të rolit bazë;
- ii. paraqitja e kësaj grade do të jetë e përbërë nga një fushë me ngjyrë blu të errët, me kontur ngjyrë të verdhë në të gjithë perimetrin e saj. Në gjerësinë e gradës janë vendosur tri shirita të verdhë (ngjyrë ari), me përmasa të barabarta.
- 2. Gradat për punonjësin e rolit të mesëm përbëhen nga grada nënkomisar, komisar dhe kryekomisar, si vijon:
- a) grada “Nënkomisar”:



- i. është gradë e parë e nivelit të rolit të mesëm;
- ii. paraqitja e kësaj grade do të jetë e përbërë nga një fushë me ngjyrë blu të errët, me kontur ngjyrë të verdhë në të gjithë perimetrin e saj. Në gjerësinë e gradës është vendosur një shirit i verdhë (ngjyrë ari) me përmasë të gjerë, një kurorë dafine dhe një yll i madh me pesë cepa, të gjitha këto me ngjyrë të verdhë (ngjyrë ari);
- b) grada “Komisar”:



- i. është gradë e dytë e nivelit të rolit të mesëm;
- ii. paraqitja e kësaj grade do të jetë e përbërë nga një fushë me ngjyrë blu të errët, me kontur ngjyrë të verdhë në të gjithë perimetrin e saj. Në gjerësinë e gradës janë vendosur dy shirita të verdhë (ngjyrë ari) me përmasë të gjerë, një kurorë dafine dhe dy yje të mëdha me pesë cepa, të gjitha këto me ngjyrë të verdhë (ngjyrë ari);
- c) grada “Kryekomisar”:



- i. është gradë e tretë e nivelit të rolit të mesëm;

ii. paraqitja e kësaj grade do të jetë e përbërë nga një fushë me ngjyrë blu të errët, me kontur ngjyrë të verdhë në të gjithë perimetrin e saj. Në gjerësinë e gradës janë vendosur tri shirita të verdhë (ngjyrë ari) me përmasë të gjerë, një kurorë dafine dhe tri yje të mëdha me pesë cepa, të gjitha këto me ngjyrë të verdhë (ngjyrë ari);

3. Gradat për punonjësin e rolit të lartë përbëhen nga grada drejtues dhe drejtues i lartë, si vijon:

a) grada “Drejtues”:



i. është gradë e parë e nivelit të rolit të lartë;

ii. paraqitja e kësaj grade do të jetë e përbërë nga një fushë me ngjyrë blu të errët me kontur ngjyrë të verdhë në të gjithë perimetrin e saj. Në gjerësinë e gradës janë vendosur tri shirita të verdhë (ngjyrë ari) me përmasë të gjerë, një kurorë dafine, një beden kalaje dhe një yll i madh me pesë cepa, të gjitha këto me ngjyrë të verdhë (ngjyrë ari);

b) grada “Drejtues i lartë”:



i. është gradë e Drejtorit të Policisë së Burgjeve;

ii. paraqitja e kësaj grade është e përbërë nga një fushë me ngjyrë blu të errët me kontur ngjyrë të verdhë në të gjithë perimetrin e saj. Në gjerësinë e gradës janë vendosur tri shirita të verdhë (ngjyrë ari) me përmasë të gjerë, një kurorë dafine, një beden kalaje dhe dy yje të mëdha me pesë cepa, të gjitha këto me ngjyrë të verdhë (ngjyrë ari).

KREU II

GRADAT E VOGLA TË PUNONJËSVE TË POLICISË SË BURGJEVE

Gradat e vogla të shërbimit të Policisë së Burgjeve vendosen lart në gjoksin e majtë të çdo artikulli të uniformës.

1. Gradat e vogla të shërbimit për rolin bazë:

a) Nëninspektor:

i. forma e përgjithshme e gradës përbëhet, në gjerësinë e gradës është vendosur një shirit ngjyrë të verdhë (ngjyrë ari):



b) Inspektor:

iii. i. forma e përgjithshme e gradës përbëhet nga një fushë me ngjyrë blu të errët, me kontur ngjyrë të verdhë në të gjithë perimetrin. Në gjerësinë e gradës janë vendosur dy shirita të verdhë (ngjyrë ari) me përmasa të ndryshme:



Kryeinspektor:

iv. i. forma e përgjithshme e gradës përbehet nga një fushë me ngjyrë blu të errët, me kontur ngjyrë të verdhë në të gjithë perimetrin. Në gjerësinë e gradës janë vendosur tri shirita të verdhë (ngjyrë ari) me përmasa të ndryshme:



2. Gradat e vogla për punonjësit e rolit të mesëm:

a) Nënkomisar:

i. forma e përgjithshme e gradës përbehet nga një shirit dhe një yll me pesë cepa të vendosur sipër kurorës:



b) Komisar:

i. forma e përgjithshme e gradës përbehet nga dy vija dhe dy yje me pesë cepa të vendosura sipër kurorës:



c) Kryekomisar:

i. forma e përgjithshme e gradës përbehet nga tri vija dhe tri yje me pesë cepa të vendosur sipër kurorës:



3. Gradat e vogla të punonjësve të rolit të lartë:

a) Drejtues:

i. forma e përgjithshme e gradës përbehet nga një beden kalaje, tri vija dhe dy yje me pesë cepa:



- b) Drejtues i lartë:
- i. forma e përgjithshme e gradës përbëhet nga një beden kalaje, tri vija dhe dy yje me pesë cepa:

